



Sidadi di Boston - Perguntas Sobri Ileison Munisipal

Keston 1

Kel munissipiu li debe aprova kel siguinti imenda na se karta di instruson normativu propostu pa kamara di veriadoris (*city council*)?

Rezumu di Proposta di Imenda di Karta di Instruson Normativu

Proposta di Imenda di Karta di Instruson Normativu di Munissipiu di Boston é pa muda prossessu orsamental di Munissipiu di Boston di várius maneras.

Pa es proposta di imenda, Prezidenti di Kâmara (*Mayor*) y Kâmara di Veriadoris ta ten poder orsamental djuntadu, ku poder pa modifika y imenda ordis apropiadus. Pa dispozison prezenti, dentu di imenda só Prezidenti di Kâmara pode inissialmenti apresenta un orsamentu o ordi di apropiason. Na es momentu, Kâmara di Veriadoris pode adota o rejeita un orsamentu, o reduzi determinadus rubrikas (*items*) na un orsamentu. Dentu di imenda propostu, Kâmara di Veriadoris ta tenba kapassidadi pa imenda orsamentu pa distribuison di fundus/verbas entri rubrikas izistentis o rubrikas nobus. Ma montanti/kuantia total di dinheru, na version di imenda orsamental di Kâmara di Veriadoris, ka pode ultrapassaba kuantia orsamental propostu pa Prezidenti di Kâmara (*Mayor*). *Mayor* pode setaba o rejeitaba version orsamental di Kâmara di Veriadoris, o podeba imenda kualker rubrika na version orsamental di Kâmara di Veriadoris. Kâmara di Veriadoris ta tenba kapassidadi di kansela veto o imendas di Prezidenti di Kâmara ku dos tersu (2/3) di vokus. Alén di kel, Prezidenti di Kâmara y Kâmara di Veriadoris tanbé ta tenba kapassidadi pa imenda orsamentu di Skolas Públiku di Boston, sujeitu pa leis vijenti (ki sta ser aplikadu) ki ta dispoi ki só Kunité di Skolas di Boston pode kria un orsamentu skolar o distribui gastus di dinheru na un orsamentu skolar.

Es proposta di imenda tanbé ta obriga Kâmara di Veriadoris y Prezidenti di Kâmara pa imiti un dekretu pa kriason di un gabinete orsamental independenti txomadu *Office of Participatory Budgeting*, ki ta ten un diretoria di fiskalizason sternu pa ten maior involvimentu di públiku ku gastus públiku. Dentu di proposta di imenda, kel gabineti ta kriaba un prossessu di tomada di dessizon igualitáriu y obligatóriu, abertu pa tudu rezidentis di Boston. Strutura di gabineti y diretoria di fiskalizason, ta ben deskrebedu na un futuru portaria promulgadu pa Kâmara di Veriadoris y pa Prezidenti di Kâmara.



Election



Language and
Communications Access



Keston 2

Debe konstruidu un sub-estason di iletrissidadi di alta voltagen, na East Boston, nunbru 400 di *Condor Street*, ladu di ribera txomadu *Chelsea Creek*, pertu di kazas di moradia, parkis, parkis infantil, armazen di konbustivel pa jatus, y na un ária ku risku pa inundason, en vez di ser na un lokal alternativu seguru, pertu ma sen ninhun prigu, sima un terrenu di Massport na Aeroportu di Logan ki ka é un ária rezidensial?

Keston 3

Debe mudadu strutura di kumité skolar nomiadu vijenti (ki sta izerse gossi) pa un kumité skolar ileitu pa rezidentis di Boston?



Election



Language and
Communications Access